

Канон пред Жировицкой иконой Пресвятой Богородицы

Память празднуем 7 (20) мая

Тропарь, глас 2-й

Помощи от Тебѣ трѣбующия не презри, Владычице, и милосердія бездну отвори всем, притекающим к цельбоносней иконѣ Твоей. Печали наши житійския утоли, Всещедрая, и от юдоли сея плачевныя к радости вечней верныя Твоя престави: Тебѣ бо вси стяжанием надежду и утверждение, милости источник, покров и спасение душ наших.

Канон, глас 4-й

Песнь 1

Ирмос: Отверзу уста моя, и наполнятся Духа, и слово отрыгну Царице Матери, и явлюся, светло торжествуя, и воспою, радуясь, Тя чудеса.

Припев: Пресвятая Богородице, спаси нас.

В Тя, одушевленный Чертоже, Бог вселися и, чрез Тебѣ прошед, явися Спас мира Господь, темже Тя, Богородице, воистинну величаем.

Пресвятая Богородице, спаси нас.

Ты еси, Мати Божия, миру Предстательница, молим Тя, Дево: простри руке Свой Богоноснии к Сыну Твоему Божественному, о нас умоляючи, да, помилует люди Своя погибающия.

Слава: Госпоже Пречистая, Мати Божия, Помощнице наша всесильная, Ты бо к Тебѣ прибегающим милость, чрез иконы цельбоносныя даруеши и ныне Тя молим, Пречистая: освати нас иконою Твоею чудотворною, юже в обители Жировицкой прославила еси.

И ныне: Кто Тебѣ не ублажит, Пресвятая Дево? Ангельский собор и человеческий род по долгу Тя прославляет: Тебѣ бо ради Христос в мир явися, Егоже прославляюще, Тя величаем.

Песнь 3

Ирмос: Твоя песнословцы, Богородице, Живый и Независтный Источниче, лик себе совокупльшия, духовно утверди, в Божественней Твоей славе венцов славы сподоби.

Пресвятая Богородице, спаси нас.

Ты еси Одигитрия, Девице, Путеводительница наша, не остави люди, Тя возлюбившия, но присно руководи, чрез море житійское препровождаючи в Царство Превечное Сына Твоего.

Пресвятая Богородице, спаси нас.

Мати роду человеческому изволила еси быти, Пречистая, темже мы, яко чада неутешная, к Тебѣ, Заступнице рода христианскаго, усердно прибегаем: не остави нас, сирых, Владычице, но скоро простри руку Свою благадеющую, изымающую ны от тины греховныя, утверждаючи на пути покаяния.

Слава: Звездó пресвѣтлая, Богорóдице, иконами чудотворными мир озарившая, просвети наш разум, грехми помраченный, и даруй нам славити Тя во веки.

И ныне: Днесь, вернии, любовию совокупившиися, Матерь Божию прославим, проповѣдующе чудеса Ея, от иконы Жировицкия явленныя, и Спасу вопиём: приими молитвы рождшия Тя Богорóдицы и спаси души наша.

Господи, помилуй (*трижды*). Слава, и ныне:

Седален, глас 8-й

Днесь торжествует светло обитель Жировицкая, прославляючи Матерь Божию, место сие освятившую и образ Свой, яко дар многоценный, людем оставившую. Тем убо припадаем, вернии, к честней иконе Владычицы, дарует бо верным освящение и укрепляет сердца малодушная, в жизнь вечную приводящи.

Песнь 4

Ирмос: Седяй в Славе на Престоле Божества во облаце легце, прииде Иисус Пребожественный Нетленною Дланию и спасе зовущия: Слава, Христе, силе Твоей.

Пресвятая Богорóдице, спаси нас.

Ныне славит православных людей множество чудеса Твоя, Богорóдице, землю бо Русскую нам озарившая и свет Православия утвердившая.

Пресвятая Богорóдице, спаси нас.

Купино неопалимая, образ Свой во огни невреденно сохраняя, попали скверну душ наших, к святей иконе Твоей с верою прибегающих.

Слава: Ты, Владычице, икону Свою пай даровала еси на камени велицем во обители Жировицкой, назнаменуя нам путь спасения на камени веры – Христе.

И ныне: Днесь Ангели и человецы песнь Господеви воспевают, славяще Пречистую Деву Богорóдицу.

Песнь 5

Ирмос: Ужасошася всяческая о Божественней славе Твоей: Ты бо, Неискусобрачная Девó, имела еси во утробе над всеми Бога и родила еси Безлетнаго Сына, всем воспевающим Тя мир подавающая.

Пресвятая Богорóдице, спаси нас.

Приидите, вернии, ко кладезю милостей Божия Матере, всех нас покровом Своим покрывающей и о спасении нашем Христа умоляющей.

Пресвятая Богорóдице, спаси нас.

Кто исповесть чудеса Твоя, Богородительнице? Даруеши бо верным милости богатыя и исцеляеши недуги душевныя и телесныя.

Слава: Все, притекающие с верою к цельбонóсному образу Твоему, Девó, прие́млют освящение и по́мощь в напáстех, на ны находящих.

И ныне: Ра́дуйся, обитель Жировицкая, сокровище великое zde хранящая, покрóв невидимый, свет немеркнущий – образ Чистыя Богорóдицы.

Песнь 6

Ирмос: Божественное сие и всечестное совершающе празднество, Богомудрии, Богоматере, приидите, руками восплещим, от Нея рождагося Бога славим.

Пресвятая Богородице, спаси нас.

Ликуйте, иноцы, днесь бо Небесная Игуменья обители Жировицкия прославляется, днесь бо богато милости изливаются от иконы Преславныя Богородицы.

Пресвятая Богородице, спаси нас.

Ты еси Наставница целомудрия, Ты еси училище благочестия, Ты еси любве неистощимый Источник, святей образ нам явившая.

Слава: Облагодати наш ум, низу преклоншийся, Дево Пречистая Богородице, Ты ныне радостно славящих.

И ныне: Воспойте, вернии, песнь Божественную, славяще Матерь Божию, Христа всему миру родившую.

Господи, помилуй (трижды). Слава, и ныне:

Кондак, глас 4-й

Величия Твоя кто исповесть, Пресвятая Дево, Творца всех Христа Бога рождающая? Единая бо еси Мати и Дева Преблагословенная и Препрославленная, упование наше, источник благостины, верным прибежище и миру спасение.

Икос

От лет древних иконою чудотворною обитель Жировицкая славится, zde бо недугом исцеление, телесем здравие и душам спасение совершается. Темже припадающе, вернии, к святей иконе Владычицы, вопием: Дево Пречистая испроси у Христа Бога велию милость всем, с верою к Тебе притекающим, Ты бо верным прибежище и миру спасение.

Песнь 7

Ирмос: Не послужиша твари Богомудрии паче Создавшего, но, огненное прещение мужески поправше, радовахуся, поюще: препетый отец Господь и Бог, благословен еси.

Пресвятая Богородице, спаси нас.

Осуши слезы скорбных, Радосте наша Богородице, к Тебе с верою приходящих, и даруй нам помощь великую.

Пресвятая Богородице, спаси нас.

Не остави, Пречистая, туне рабов Твоих, к честней иконе Твоей со страхом припадающих, и умоли о нас Всесильного Бога нашего, да дарует милость в День судный.

Слава: Образ Твой святей прославляюще, радуемся, Владычице, помощи наша и стено нерушимая всех, с верою к Тебе прибегающих.

И ныне: О Тебе радуемся и Тя прославляем, Дево Пречистая, яко Невместимаго вместила, еси, Егоже присно моли о спасении нашем.

Песнь 8

Ирмос: Отроки благочестивыя в пещи Рождество Богородичо спасло есть; тогда убо образуемое, ныне же действующее, вселенную всю воздвизает пети Тебе: Господа пойте, дела, и превозносите Его во вся веки.

Пресвятая Богородице, спаси нас.

Киими песнями прославим Богородицу, дары нам великия подающую,

чудодейственным бо образом Своим подвизает нас к пению: Господа пойте, дела, и превозносите во вся веки.

Пресвятая Богородице, спаси нас.

О, безчисленное чудес множество роду христианскому явившая и милости Своя неоскудно источающая, тем Тя поем во вся веки.

Слава: Якоже отроцы неопалими в пещи явися, тако девство в рождестве сохранила еси, Пречистая Дево Богородице, тем Тя поем во вся веки.

И ныне: Христа славословим, мира Спасителя, и Деву Пречистую славим, яко воистинну Богородицу.

Песнь 9

Ирмос: Всяк земнородный да възграется, Духом просвещаемь, да торжествует же Безплотных умов естество, почитающее священное торжество Богоматере, и да вопиет: радуйся, Всеблаженная Богородице, Чистая Приснодево.

Пресвятая Богородице, спаси нас.

Премилосердная Владычице, прими молитвы всех, Тя ныне славящих и образ Твой чествующих, даруй всем оставление прегрешений многих.

Пресвятая Богородице, спаси нас.

Прими нас, поющих Тебе, Дево, и к образу Твоему, яко к знамению милости Твоея, притекающих, и даруй рабам Твоим милости превеликия.

Слава: Облагоухай нас, многогрешных, Владычице, смраду греховному причастных, изми нас из пропасти погибельных, утвердивши во благочестии.

И ныне: Спас мира и Господи, прими песнь радостную, дал бо еси людем Заступницу, Юже величающе, Тя присно славим.